



諸家類集方藥皆隨論次第。是編逐門但錄專方。其藉古方加減各門可以通用者。彷彿祖劑之義。另自為卷於後。

中風門

侯氏黑散金匱 治大風四肢煩重。心中惡寒不足。

菊花三兩 白朮一兩 防風八錢 桔梗六錢 黃芩四錢 人參 茯苓 細辛 當歸 乾薑 芎藭

桂枝 牡蠣熬 礬石各二錢 右十四味。杵為散。酒服方寸匕。日三服。初服二十日。用溫酒調服。禁一切魚

肉大蒜。常宜冷食。六十日止。即藥積在腹中不下也。熱食即下矣。冷服自能助藥力。治風癱瘓 大風四肢煩重。

脾土受風水之制。土氣內結。不能敷布於四末也。心下惡寒不足者。胸中為濁氣填塞。心火內蘊。不得發越。熱極

反兼寒化也。方中用菊花四十分為君。以解心下之蘊熱。防桂辛桔以升發陽理。參苓白朮以實脾。杜風。芎藭以

潤燥熄火。牡蠣礬石以固瀉腸胃。使參朮之性留積不散。助其久功。乾薑黃芩一寒一熱。寒為風之嚮導。熱為火

之反間也。用溫酒服者。令藥性走表以開其痹也。冷食而禁諸熱物者。恐藥得熱而下。不能盡其藥力。以礬石性

得冷即止。得熱則下也。○郭壅曰。黑散本為滌除風熱。方中反用牡蠣礬石止瀉之味。且令冷食。使藥積腹中。然

後熱食。則風熱痰垢與藥漸次而下也。

風引湯金匱 除熱癰痛。并治大人風引。小兒驚癇。癰癧。日數十發。

石膏各一斤 乾薑 龍骨熬 甘草 牡蠣熬 滑石 石膏各一斤 赤石脂 紫石英 白石脂

寒水石如無石 桂枝各一兩 右十二味。杵篩。以葦囊盛之。取三指撮。并花水三升。煮三沸。溫服一升。治脚氣

郭壅借 風者外司厥陰。內應肝木。上隸手經。下隸足經。中見少陽。相火所以風自內發者。由火熱而生也。風生

必害中土。土病則四末不用。聚液成痰。癰者風木挾痰注於四肢也。癰者風熱擾其經脈。內應於心主也。前方杜

風外散。此方引風內泄。故用大黃。藥甘草。桂枝。滑石。石膏。以化風熱。乾薑以為反譁。使火無格拒之虞。石英寒水

